

Universitätsbibliothek Paderborn

**Francisci Tvrriani Societatis Iesv, Aduersùs
Magdeburgenses Centuriatores pro Canonibus
Apostolorum, & Epistolis Decretalibus Pontificum
Apostolicorum, Libri Quinq[ue]**

**Torres, Francisco de
Coloniae, 1573**

VD16 T 1629

Cap. XIX. Responsio ad accusationem epistolae Aniceti de radendo caput
Clericis in modum sphaerae: & de propria ratione tonsurae: & quòd
tonsura non pertineat ad traditionem hominum, quam Apostolus ...

urn:nbn:de:hbz:466:1-29685

paschali, & de aliorum dierum, ad iejunia & lectiones scripturarum in eccllesia, obseruatione.

Responsio ad accusationem epistola Aniceti: de radendo caput Clericis in modum sphæræ: & de propria ratione tonsuræ: & quod tonsura non pertineat ad traditionem hominum, quam Apostolus in epistola ad Colos. damnat: sed ad traditionem hominum secundum Christum, quam probat. Et de exemplis traditionis hominum, quam damnat. & inter multiplices rationes & Theorias tonsuræ Christianorum, quæ sit propria ratio eius in Clericis.

Cap. 19,

Accusant postremò Magdeburgenses in episto. Aniceti, quod iubeat Clericis radere caput in modum sphæræ. Hac enim accusatione existimârunt posse authoritatem detrahere toti epistole, in qua de ordinatione episcoporum continetur, & de Patriarchis constitutis à sanctis Apostolis, & de episcoporum iudicijs, secundum traditionem Apostolicam Romano Pontifici reseruatis, quæ quo sunt grauiora, quam illud de tonsione capitis, tanto sunt istis odiosiora. Sed videamus paulisper, quid isti de tonsura capitis Clericorum obijciant, & quid Pontifex Anicetus statuat: ac causam cum causa conferamus, si forte errorem agnoscant. hanc enim constitutionem Magdeburgenses ad traditiones humanas, & ad corruptionem doctrinæ de libertate Christiana, & ad laqueos conscientiæ pertinere dicunt, ac quod caput multa, ad quæ iam suis locis responsum est, similiter retulerunt: vt hoc deinceps, ad quod ordine respondemus, referunt. ac primum quidem illud repræhēsores istos meminisse hic oportebat, quod beatus August. lib. 2. de doctrina Christiana scripsit, commoda & necessaria hominum cum hominibus instituta esse, quæcumque in habitu & cultu corporis, ad sexus vel honores discernendos differentia placuit. Quarè quī hoc de raso capite Clericorum repræhenderunt, si rationi locum deditissent, hoc docere debebant, neque commodum esse, neq; necessarium ad discernendum eorum honorem & gradum à laicis: quod cūm non fecerint, quia neque potuerunt, sat̄is hoc eos calumniæ conuinicit. sed recitemus, quæ Pontifex Anicetus ad episcopos Galliæ scripsit. Prohibete, inquit, fratres, per vniuersas regionum vestiarum ecclesias, vt Clerici, qui laicis & simplicibus, virtutis, honestatis, pudicitiæ & grauitatis exemplar esse debent, ac seipsoſ tanquam signum purioris vitæ, rudioribus ad imitationem prudenter exhibere, iuxta Apostolum, comam nō nutritiant, sed desuper caput in modum sphæræ radant. deinde subiungit causam, quia sicut, inquit, discreti debent esse in conuersatione, ita & in tonsura & omni habitu discreti debent apparere. posteā subiungit. Hæc vobis, fratres, vt petitis, custodienda mittimus, & custodire præcipimus. Haec te-

^{1. Cor. 11.}

G g g nūs

nus Anicetus. Intellexerant ergo episcopi Gallie iam inde à principio, quām esset necessarium, quo clerci omnes honestiū & innocentius viuerent, essentq; (quod maximē episopis ac presbyteris conuenit) exemplum

I. Tim. 4. fidelium, sicut Apostolus ad Timotheum scriptit, in cōuersatione, in charitate, in fide, in castitate: quām necessarium, inquam, esset, vt habitu à laicis discreti essent, id est, vt esset talis vniuersushabitus, qui clercos Deo propriè dedicatos, & mini sterio eius adscriptos deceret, quo semper & omni loco admonerentur, vt sicut eorum cultus & habitus differt à cultu laicorum, quin negocij & curis huius mundi implicantur, & cogitant quę mundi sunt, quoniodō placeant vxoribus: sic quoq; vita & conuersatio clericorum non esset qualis secularium, sed multo religiosior & honestior, vt ministros sanctæ ecclesiæ deceat. Cūm igitur non nutritre comam omnibus etiam laicis conueniat, secundūm Apostolum, ipsa etiam natura docente, turpe esse nutritre comam, (quod enim in lege, quę velamen habebat, quo usquè veniret Christus finis legis, & summa omnis voti, Nazarei comam fine ignominia iussu Dei nutritiebant, donèc completeretur votum, umbra erat futurorum) consentaneum rationi fuit, & diuinè institutum, vt reuelata veritate per euangelium, clerci non solùm non nutritrent comam, quod laicorum quoquè est, vt dixi, sed paulūm etiam in summa parte capitis raderent, vt potè supra gradum laicorum positi: ita vt non solùm orent aperto capite, quod laici quoquè secundūm Apostolum facere debent, sed etiam aliquantulum raso, quod quidem nec in alia parte capitis, nec alia forma decentiū & aptiū fieri potuit, quām in modum sphæræ. Etenim si vir, secundūm Apostolum, nō debet velare caput suum: quia, inquit, imago & gloria Dei est, & eadē ratione non debet nutritre comam, quia nutritre comam, est quoddam velare, cūm debeat clericus propter gratiam, quę data est illi per impositionem manus, studere, vt sit magis expressa imago & maior gloria Dei, id est, vt sit illi magis subiectus. hoc enim pertinet ad gloriam Dei, vt hoc loco Photius Conitancinopolitanus in scholijs Pauli interpretatus est. Nihil ergo neque rationi, neque naturæ, neque scripturæ accommodatus, neque congruentius institui potuit, quām vt clerci non solùm non nutritrent comam, quod laicis quoquè prohibitum est, sed insuper modicum etiam capit is summo, decora rotunditate raderent ad recordationem maioris subiectionis, quam Deo pro dignatione maioris gradus debent, vt iam quod significat impositione manus, per quam datur gratia hierarchicè ordinatis. significat enim, vt tradit diuinus Dionysius, esse eos specialiter sub manu Dei protegente, à quo donum accepterunt, & cui subiecti in omni ministerio ecclastico, & omni actione tāquām duci esse debent: Hoc, inquā, ipsum significet illa tonsura parua rotunda in vertice capitis, vbi manus imponuntur in ordinatione. sic etiam Nicena synodus secunda intellexisse videtur, cūm capite 14. prohibuit, nō essent in ecclesia lectors, qui sine impositione manus tonsuram habe-

*Quid come
Nazareorū
significaret.*

*Photius Con
stantinop.*

*Dionysius
Areopag.*

*Nicena Syn
odus 2.*

rent, quāsi esset tonsura index impositionis manū, vt in quo non esset impositione manū, tonsura esse non posset. Sed reuertamus ad Paulum, & videamus, postquam præcepit viris non nutrire comam, & orare in ecclesia aperto capite, & mulieribus velato, quid ad persuadendum subiunxerit: Si quis est, inquit, contentiosus, nos talem consuetudinem non habemus, nec ecclesia Dei: satis valida, inquit Theodoretus, ratio ad permouendos acflectendos etiam pugnacissimos, & cōtentio[n]is studiosissimos. ait enim non solū sibi hoc videri, sed omnibus ecclesijs Dei. Idem nos nunc ex emplo Pauli vobis Magdeburg. & cæteris omnibus Luteranis responde[m]us, si pergitis contentiosi esse, & huiusmodi tonsuras clericorum tolle[re] & improbare, Nos talem consuetudinem nō habemus, nec ecclesia Dei. Magd. si per Lustrate ecclesias Hispaniarum & Galliarum, immo totius Occidentis, ac gant tonsuras vestre etiam nationis, quas hodiè in Germania catholici habent tali clericorum habitu & tonsura, quali easip[s]as ecclesias Patres ac maiores vestri, à probare. quorum fide recessistis, habuerunt. An si leuis fuisset, ac non potius grauissima h[ec] ratio consuetudinis ecclesiarum, eam Apostolus spiritum Dei habens, ad retundendam contradicentium pertinaciam de coma viris non nutrienda, produxisset? quero, vndē Galli consuetudinē acceperūt, quam hodiè in radenda summa parte capit[is] in modum sphæræ omnes, qui impositionem manū in ordinatione acceperunt, religiosè & ecclesiasticè seruant? vndē, inquam, nisi à sancto Aniceto martyre & Pontifice, cuius epistola vsque in hodiernum diem seruata est? in quam quidem tunc fortassis aliquid ad obijciendū habere videremini, si quod in ea sanctus Pontifex Episcopis Galliæ scripsit & iussit de distinguendo habitu clericorum à laicis, sicut ijdem Episcopi, vt ex ipsa epistola perspici potest, petierant, & de radendo insupèr caput in modum sphæræ, vsque in hodiernum diem non omnes summa religione seruarent. Quòd si hanc constitutionem, cum ratione alioqui, & natura, ac scriptura, vt do cui, congruentem: quia tamen non sit in scriptura sancta, reiicitis, & vbi scriptu[s] sit, vt radatur caput, quæritis: ego vicissim quero, vbi scriptu[s] sit, vt non radatur: sic enim antiquissimus author & acerrimus traditionū defensor Tertullianus, in lib. de corona militis, ab ijs, qui querebant, vbi scriptu[s] esset, vt nō coronemur more Gentilium, quæ erat quoq[ue] Apostolica traditio: rursus item querit, vbi scriptum sit, vt coronemur? expostulantes enim, inquit, scripturæ patrocinium in parte diuersa, præiudicant suę quoq[ue] parti, scripturæ patrocinium adesse debere. Nā si idē dicitur coronari licere, aut in hac quæstione licere non radi clericos, quia scriptura nō prohibeat: equè, inquit, retor quebitur, idē coronari non licere, & in nostra quæstione, licere radi, quia scriptura non iubet coronari, sicut neque iubet non radi. Quid, inquit, faciet disciplina? an vtrunque reiicit, quāsi neutrum præceptum sit? sed, quod non prohibetur, vltro permisum est: immo prohibetur, quod non vltro est permisum, & quandiu per hanc lineam serram reciprocabimus,

Ggg 2 habentes

habentes obseruationem inueteratam, quæ præueniendo statum fecit? hanc si nulla scripture determinauit, certe consuetudo corroborauit, quæ sine dubio de traditione manauit, quomodo enim usurpari quid potest, si traditum prius non est? etiam in traditionis obtenu exigenda est, inquis, auctoritas scripta. Ergo queramus, an & traditio non scripta, non debet recipi? planè negabimus recipiendam, si nulla exempla præjudicent aliarum obseruationum, quæ sine ullius scripture instrumento, solum traditionis titulo, exinde consuetudinis patrocinio vindicamus. Hæc eruditissimus & acutissimus Tertullianus, quibus ut illos in corona militis refutanda reuicit, sic nos, duobus verbis mutatis in tonsura clerici defendenda, istos reuincimus.

Tit. 1. Præterea dicite mihi, cùm Paulus scripsit Tito, vt corrigeret quæ deessent, & constitueret presbyteros per ciuitates, si non permittebat, vt villas constitutiones quanvis vtiles & sanctas fanciret, neque consuetudinem villam, licet sanctam & commodam, introduceret, nisi, quæ in scripture ostendi posset: cur non dixit, reliquise illum, vt quæ iam constituta essent & correcta, seruari facheret: sed potius dixit, reliquise illum, vt si quæ deessent præter correcta & iam constituta, illa insuper corrigeret? Hoc enim significat præpositio in hoc verbo ἵπτιος, sicut in verbo ἵπτιαρχοι significat præter diuisionem factam insuper dividere, vt Apollonius Grammaticus notauit. Si quæcumque opus erant, in illa ipsa ad Titum epistola scribebat, cur ait nunc, Ut quæ desunt, corrigas? an non satis aperte significat, non omnia à se constituta esse, quæcumque Cretenibus opus esse poterant? nec enim, vt ait sanctus Epiphanius libro tertio tomī primi contra hæreses, scribens aduersus Aérium, omnia statim Apostoli constituere potuerunt. Igitur cùm Apostolus Tito præcipiebat, vt quæ deessent siue laicis, siue clericis, ad vinendum vt decebat, ea Constitutionibus & regulis corrigeret, siue ad cultum & habitum, siue ad aliud quid pertinerent: an laqueos conscientijs injecere, & libertatem Christianam corrumpere præcipiebat? aut quomodo corrigi poterant, nisi nouis Constitutionibus? quas vos inuidioso verbo traditiones humanas vocare soletis, vt dum sic vocatis, tales esse credant iij, quos decipitis, quales erant, quas Paulus Apostolus in epistola ad Colos. 2.

Clem. Alex. lossen. eodem verbo exprobrat pseudoapostolis, cùm ait: Videte, nè quis vos decipiat per philosophiam & inanem fallaciam, secundum traditionem hominum, secundum elementa huius mundi, & non secundum Christum. De philosophia enim inani fallacia permixta, loquitur Apostolus, qualis erat illa multorum Gentilium philosophorum, de quibus Clemens Alexandrin. doctissimus author in sexto libro Stromatum, Alia, inquit, suffurati sunt ex nostris, alia male audiérunt: in alijs autem aliqua quidem dixerunt, imitantes, sed ea non reddiderunt perfecta: alia quidem humana coniectura & ratione, in quibus etiam labuntur. Hactenus Clemens. *Cuius modi sit traditio.* De huius modi ergo hominum traditione & doctrina fallaci loquuntur

batur Apostolus, qualis erat eorū, qui (vt ex ijs, quæ paulò pōst dicit Apo-
stolus, intelligi potest) ex natura ac proprietatibus eorum, quæ lege Moy-
sis interdicta erant, nē ederentur, docebant esse adhuc in nouo testamento
ab eis abstinentiam, vt sue, verbi gratia, quia suis (vt beatus Polycarpus in
epistola ad Philipenses scripsit) cùm vescitur, non agnoscit dominū: cùm
autem esurit, tunc grunitu vocat dominum: & rursum, si accipiat aliquid
ad vescendum, iterū grunitū sīstit. est quidem hæc natura suis, fatemur:
falsum tamen est, vetare Moysēm suilla vesci propter hanc proprietatem
veram, quæ ex natura suis existit, quæ sic est ex elementorum concretione
composita ac temperata. immō in spiritu locutus est Moyses, sicut idē Po-
lycarpus in eadem epistola ait: iussitq; non vesci sue, id est, non adhærere
ijs, qui instar suum tantisper dum voluptatibus perfruuntur, Domini sui,
tanquam ingratii, immemores sunt: cùm verō egent, tunc Deū agnoscent.
Ipsa verō carne suilla vesci Moyses secundū literam Iudæis prohibuit,
propter duritiam eorum & vmbram futurōrū, quæ vmbra cùm iam præ-
terierit, necessè est, vt simul lex illa de non vescendo, desita sit. similis ratio
est in alijs cibis prohibitis, vt sepiā, murāna, polypo, quorum natura ac
proprietas est, vt idem Polycarpus notauit, non quidem natare, vt alij pi-
sces natāt, sed potiū in ipso fundo tenebricos & in terra habitare. Verum
non propter hanc naturam, vt illi falsō philosophabātur, Moyses eis vesci
prohibebat, quasi nunc propter eandem causam abstinentiam esset, siqui-
dem eorum natura non sit mutata, quin potiū in spiritu prohibere voluit
semper, cum ijs versari, qui ad profundum impietatis instar illorū pisciū
descendissent. reuerā autem ab illorum esu, tanquam ab immundis, Iudæ-
os tunc propter eorum duritiam arcebat, vt (sicut ait Clemens in sexto li- Clemens Ro.
bro de constitutionibus Apostolorum) dum eiusmodi obseruationū vin-
culis, in cibis scilicet & potibus, ac varijs baptismatibus, vt Apostolus ait, Quæ causa tā
& alijs huiusmodi alligati tenebantur, & supplicijs propter transgressio- obseruationū
nes eorum erant obnoxij, Dei, qui eiusmodi vincula inieciisset, recordarē de cibis &
tur, quo usquè veniret liberator, qui est Christus Saluator noster, qui nos potibus in
à maledicto legis soluit, & legem impleuit, & illis iudicialibus ac rituali- veterē lege.
bus partim sublatis, partim mutatis, legem naturalem non sustulit, sed cō-
firmavit. Erant ergō illa vetera futurorum vmbra, id est, vmbra Christi
liberatoris, & vmbra eorum, quæ ad legem libertatis pertinent. Quod er-
gō Apostolus dixit, Videte, nē quis vos decipiatur per philosophiam & ina- Coloſ. 1.
nem fallaciam secundū traditionem hominū, secundū elementa mun-
di huius, & paulò pōst, interiectis paucis, Nemo, inquit, vos iudicet in ci-
bo & potu, & neomenia & cęt. clarē iam docuit ista esse, in quibus quidam
falsō philosophari volebant, quasi propter causas alias & proprietates
naturales ea essent obseruanda. Sed dicite mihi Magdeburgenses, qui eius-
modi traditionem hominum sustulit & damnauit, quam Apostolus vo-
cat traditionem hominum per philosophiam secundū inanem fallaciā,

G g g 3 & ele-

hominū, quā
Apost. in pis-
tol. ad Coloſ.
condemnat.
Polycarpus ad
Philip.

& elementa mundi, & non secundum Christum: an non clarè reliquit & p.
bauit traditionem hominum secundum Christum? quorsum enim dixis-
set, secundum traditionem hominum, & non secundum Christum, si nul-
la esse poterant traditiones hominum non secundum elementa mundi, sed

Quod tradidit, secundum Christum? Igitur qui tonsuram clericorum, tanquam traditionem hominum accusant, doceant hanc traditionem hominum, non esse secundum Christum: aut si ipsi docere non possunt, cedant nobis, qui docebunt probet mus esse eam secundum Apostolum, qui spiritum Christi habebat. In Paulus.

li enim locum, de coma non nutrienda viris, intuens Anicetus, scriptis ad episcopos Galliarum, ut clericis, iuxta Paulum, comam non nutritrent: & desuper caput in modum sphæræ raderent. Quare si scribit pater Augustinus

Augustinus ad Casulanum. in epistola ad Casulanum, loquens de varijs ritibus ecclesiasticis: In ijs rebus, de quibus nihil statuit scriptura diuina, morem populi, vel statuta majora pro lege teneda esse, quid illum de sphærica tonsura clericorum in summa parte capit, dicturum fuisse putatis, cuius est omnium ecclesiarum totius mundi consuetudo, & statutum Apostoli Pontificis etiam aliquid in scri-

Basilius. scriptura affine & cognatum de non nutritenda coma? beatus quoque Basilius in regulis brevioribus cap. 1. in ijs, quae in sacris literis non sunt scripta, necesse esse ait, alijs subiecti propter Deum. Quod si Apostolus præcepit, inquiens:

Ephes. 5. Subiecti inuicem estote in timore, quanto magis subiectos nos esse oportet ecclesiasticæ consuetudini omnium ecclesiarum? quod quidem satis docuit Apostolus, cum contentiosis & non obedientibus, in ritu virorum de non nutritenda coma, & mulierum de velando capite, authoritatē consuetudinis Ecclesiarum Dei obiecit, Nos, inquiens, talem consuetudinem non habemus, nec ecclesia Dei. Illud præterea aduertendum est, quod Anicetus pontifex per epistolam ad episcopos Galliarum, ipsis & eorum clericis præcepit, non hoc eum statuisse primū, facile iudicari posse ex reliquis ecclesiis tum Orientis, tum Occidentis. siquidem ubique terrarum clericorum summum capit, sphæricam, id est, rotundam radant, quod ex Apostolica traditione profectum fuisse, non potuit ignorare pontifex Anicetus, qui Polycarpum beati Ioannis euangelistæ discipulum Romanum vidit. Esse autem

1. Cor. II. sanctus Isidorus Hispalensis, & eum secutus Rabanus Maurus, author sui seculi eruditissimus, item Ceolfridus Abbas in epistola ad Naitanum regem Pictorum in Britannia, quae est in quinto libro historiæ Anglicæ venerabilis Bedæ, ex Græcis vero Germanus Constantinopolitanus in libro de mysteriis clericorum. Quod vero alij aliam rationem huius Apostolicae traditionis

Qui sunt autem thores, esse ex apostolica traditione tonsura. Et auorum in Britannia, quae est in quinto libro historiæ Anglicæ venerabilis Bedæ, ex Græcis vero Germanus Constantinopolitanus in libro de mysteriis clericorum. Quod vero alij aliam rationem huius Apostolicae traditionis & ecclesiasticæ consuetudinis in huiusmodi tonsura clericorum, quam vulgo coronam vocant, attulerint, nihil refert eiusdem mysterij varijs & multiplices theorias esse, ex quibus illas semper anteponendas esse iudico, quæ cum ratione, cum natura, & cum scriptura magis consentiunt: in quo quid mihi videretur, dixi supra. Neque vero, quia rationes traditionis huius

huius attuli, quas assequi potui, si nullam assequi potuisssem, idcirco minùs firma traditio esset. sic enim idem Tertullianus in eodem libro de corona militis, de quo paulò ante memini, scripsit: Porrò cùm queritur, cur quid obseruetur, obseruari interim constat. Ergò neq; nullum, nec incertū vide-ri potest delictum, quod cōmittitur in obseruationē suo iam nomine vindicandam, & satis authoratam consensū patrocino, planè sic tamē, vt ratio querenda sit, sed salua obseruatione, nec in destructionem eius, sed in ædificationem potius, quo magis obserues, cùm fueris etiam de ratione securus. Conuenit præterea cum theoria & ratione, quā attuli, vt hoc quoq; addam, nomen ipsum Papalytræ, quo hodiè in ecclesijs Orientis vulgo
 tonsuram clericorum vocari audio, quia episcopi & presbyteri per manus impositionem, quæ super caput fit, enīus symbolum, vt antè dixi, est clericorum tonsura, gratiam potestatis acceperunt in ordinatione ad mysteriū redēptionis nostræ, in mystici panis & vini consecratione celebrandum. Lytron enim precium redēptionis significat, & sacerdotes vocant papas. Hæc ergò gratia sacerdotibus data per impositionem manus super caput eorum, & per orationem consecratoriam, quia spiritualis est, & oculis videri extrinsecus nō potest, & opus erat, vt signo quoq; laicos à sacerdotibus discernere possemus, non potuit à sanctis Apostolis, neq; rationi, vt sacerdos dicam, neq; naturæ, neq; scripturæ conuenientius & aptius signum reperiri & institui, q; huiusmodi sphærica tonsura in vertice capitis. Hanc gratiam potestatis verum cibum & verum potum mystici conuiuij, id est, mysteria corporis & sanguinis per mysticam benedictionem cōficiendū, ad replendas animas sempiternā lætitia, cuius potestatis est index tonsura capitis, vocāsse videtur Esaias lætitiam sempiternam super caput eorū, cùm de sacerdotibus noui testamenti prophetaret, vt nos in lib. 2. de hierarchiis ordinationibus cap. 8. collato euangelio, demonstrauimus. Non enim de capite cōmuni omnium Christianorū, qui est Christus, loquitur Propheta, sed de capite proprio sacerdotis cuiuscq;, in quo per impositionem manus sacerdos tantam ad hanc lætitiam mysteriorum efficiendam ordinatur. hac ratiōē cessit nobis sacerdotibus in lætitia, vt ait Germanus Constantinus, quod legitur factum esse Petro Principi Apostolorum à gentibus, vt quasi ameni & insano caput ei ad irrisiōnem raderetur: et si polit. alij non à Gentilibus, sed sponte sua attonsum esse aiunt, ad recordationem passionis Christi, cuius capiti spinea corona imposta fuit. Sed hæc recordatio, cōmuni omnium Christianorū esse debet, vt illud quoq; omnium nostrū cōmune est, véditos fuisse sub peccato & imperio diaboli, vt imi- micos Dei, tanq; sub corona, vt olim hostes à Romanis vendebantur: item liberatos esse per Christū regem nostrum, cōmune est omnium fidelium, præterea etiam, esse regale sacerdotium, spirituale videlicet, commune est omnī Christianorū ex baptismo: item esse Nazarēos spirituales, qđ verbū

*Quomodo in
Ecclesia Graec
corum vocē,
quam nos co-
rouā, & qua
ratio nominē.*

Esa. 62.

læt.

sanc̄tos significat, qui debemus non nutrire comam, sed potius tondere caput, postquam Christus caput nostrum vénit, in quo completum est votū & promissio Patribus facta, ac velamen legis sublatum, cōmune est omnium laicorum fidelium: ut iam his de causis non sit clericorum propria corona, sed sit propria ex sola ordinatione. Sola itaque impositio manus restat, quæ ut propria clericorum est, ita eorum est propria tōsura capitis in vertice, quæ ad illam propriè significandam, Apostolicè instituta est. & hęc haec tenūs. Deinceps de testibus.

Responsio ad id, quod Magd. de Eusebio Cæsareensi, & Hieronymo, ac Damaso obieciunt, quod de epistolis Pontificum Apostolicorum nō meminerint. & de quibus ep. stolis Damasus mentionem fecerit, & de modo, quo vita pontificum scripta. Cur Leo IIII. de epistolis pontificum Apostolicorum non meminerit, vbi aliorum posteriorum pontificum epistolas cōmemorat. Item de decretis harum epistolarum, quæ Gratianus in suo volume decretorum, earum authoribus assignauit, & de decretis quibusdam epistolarum, quæ in ijsip̄is epistolis, ex quibus ab eo citantur, non reperiuntur. Item de uno tantum teste à Magdeburg. producto ad dicendum testimonium cōtra epistolas pont. & quid ille contra Hieronymi & Damasi, quos citat, sententiam finixerit, ut differentiam episcoporum & presbyterorum tolleret.

Cap. 20.

Confutatis iam, quantum medio cri diligentia potuimus, quæcunq; in criminibus contra epistolas priscorum pontificum Centuriatores obiecerunt, aggrediamur locum de testibus, quos in easdem epistolas produxerunt: quorum testimonio, vt quibus maximè confidebant, in extrema parte accusationis suæ recitārūt, nē vllas partes boni accusatoris prævaricando prætermitterent. Respondebo igitur h̄c priūs de vestris testibus, posteā de nostris. Eusebius, inquit, earum epistolarum mentionem non facit, neque Hieronymus: cūm tamen alia scripta, cuiuslibet magni doctoris scrupulosē etiam annotare soleant.] Ecquod istud genus est producendi testes, qui nihil dicant, neque dicere possint, quia de quibus ijdem rogantur, nihil audierint? Sed nec illud mirum videri debet, Quod aliquā non omnia omnium scripta, ad notitiam vel mahus Eusebij, aut Hieronymi scripta par mi venisse. imm̄d nonnunquam interuallo non ita loginquo scripta, etiā uo tēpore obs obsolescunt, & tanquam obliterata, nouis cedunt: quæ difficile sit literentur. posteā, et si maximè velis, reperire. Epimenides poeta alioquī celebris, post quinquaginta annos à multis non cognoscetur, vt Marcus Varro lib. 6. de lingua Latina testatur. Teucer Liuij post decem annos à multis item ignorabatur. Sed neque scriptoris industria, ait idem author, reprehendenda est, quod Herois tritauum aut atauum non potuerit reperire, cum